



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 73. Contiatio belli Cæsarem inter & Hispanos.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. dixit, ambo igitur jurate, vos decre-  
A. C. 1718. tum meum religiose observaturos, quo  
 facto iussit Pontifex, ut pariter idem  
 juramentum in manibus Petri Ludovici Caraffæ Secretarii Congregationis  
 de Propaganda fide coram Notariis &  
 testibus exsolverent: eo præstito ambo  
 Mense Junio Roma discesserunt, sed  
 P. Prouana per integros novem Mes-  
 ses ob adversam valetudinem in variis  
 Europæ regionibus diversatus, tandem  
 continuata navigatione prope promon-  
 torium bonæ spei e vivis excessit, cu-  
 jus cadaver, ne Imperator eum ad Si-  
 nas, uti districte præceperat, hand  
 rediisse arbitraretur, Macaoum est trans-  
 latum. Hinc inter fabulas reponen-  
 dum censeo, dum J. L. Mosheimus in  
 suis Sinenf. Novit. p. 181. §. 322. scri-  
 bit, quod P. Prouana Mezzabarbam re-  
 faria fraude pessumdare conatus sit, & nihil  
 Auctor hunc Patrem id, si Cantonem  
 adventaret, in mente habuisse, intel-  
 ligatur, falsitatis & calumniæ convic-  
 titur, cum Prouana ante Mezzabarbarum  
 adventum jam fatis cesserit.

§. LXXIII.  
 Continuatio belli Cæsarem inter &  
 Hispanos,

Cum Philippus V. Hispaniarum Rex Sæc. XVIII. A. C. 1718.  
 improvisa Sardiniae occupatione, & Siculi Regni invasione Europæ pacem  
 tam charo sanguinis pretio redemptam  
 perturbaret, armisque Cæsareis victrici- Theatr. Europ. p. 235. t. 21. Hist. du Princ. Eug. l. 15. p. 192.  
 bus contra Turcas remoram poneret,  
 hinc Cæsar, Franciæ & Angliæ Reges  
 tempestive belli flammam extinguere  
 adlaborabant. Hanc in rem præpri-  
 mis a Stanhopio Angliæ Legato signifi-  
 catum Monteleoni Hispano Oratori,  
 jam die duodecima Junii, Bingio Archi-  
 thalaffo classem bellicis viginti navibus  
 validam portu solviffe, Regemque An-  
 gliæ die secunda Augusti pactis quibus-  
 dam conditionibus fœdus cum Cæsare,  
 Gallis, & Batavis pepigisse, eidem  
 ipsum quoque Sardiniae Regem acces-  
 sisse: Hi etiam pacem reddere intenti,  
 has Hispanis proponebant conditiones,  
 ut Cæsar Philippum in legitimum Re-  
 gni Hispanici possessorem, ejusque Fi-  
 lium primogenitum Ducatum Floren-  
 tini, Parmensis & Placentini, defi-  
 ciente eorum progenie, successorem  
 agnosceret, Hispanus vero Sardi-  
 niam, cunctasque Italiæ & Belgii  
 ditiones unacum Finarii Marchionatu  
 Cæsari relinqueret. Rejectis autem  
 hisce pactis Hispani cum sua classe Si-  
 ciliam invasere, ac die quinta Julii Pa-  
 normum, Siracusam, Trepannm, Sal-  
 vato

Sæc. XVIII. vatorem, Messanam, & Milaccum plu-  
 A. C. 1718. resque alias urbes eiectionis Sabaudis,  
 qua armis, qua deditioe ceperunt.  
 Ast rapidum victoriæ cursum intercidit  
 Architalassus Bingius, qui die undecima  
 Augusti cum sua classe prope Messa-  
 nam appulsus, inito navali certamine  
 quinque Hispanorum naves incendit,  
 & quatuor mari demersis, alias unde-  
 cim unacum Castagnetta Hispano Ar-  
 chithalasso cepit, reliquæ Melitam  
 delapsæ postea ab Anglis interceptæ  
 sunt, adeo, ut tota Hispana classis  
 igne, aqua, & captivitate uno die pe-  
 riret. Paulopost Cæsarei Hispanos ag-  
 gressi post mutuam utriusque partis cla-  
 dem horum castra obsessa cinctaque tene-  
 bant. Demum ad Hispanæ calamitatis  
 cumulum accessit bellum eis a Gallis  
 denuntiatum, & rusticorum in Mexico  
 rebellio ob vectigalium augmentum.

## §. LXXIV.

*Passarovicenses Pax Cæsarem inter  
& Turcas.*

*Kettel.*  
*Dec. VI.*  
*pag. 874.*  
*Hist. cont.*  
*Chron. l. 16.*  
*pag. 83.*

Interim Eugenius Princeps ad confer-  
 vandum Belgradum & continuandam  
 prosperam belli expeditionem  
 cuncta, quæ potissimum conferre cen-  
 suit, provide disposuit: vicissim supre-  
 mus Vezirius Multapham olim Belgra-  
 dienem